



QAASUITSUP KOMMUNIA

SULLISSIVIK / SERVICECENTER, KAALEERAQ POULSEN AQQUTAA 3 - POSTBOKS 1023,
3952 ILULISSAT - OQARASUAAT / TELEFON (+299) 94 78 00 - ALLAKKASUAAT



Unnuk Kulturisiorfik Kulturnat Grønland

Unnuk kulturisiorfik arfininngorneq 23. januar 2016

Sullissivik unnuk kulturisiorfimmi, arfininngorneq 23.januar 2016-imi, tamanut ammaniarpoq piffissami uani nal. 19:00 – 22:00.

Sullissiviup iluani immikkoortortaqrarfiit assigiinngitsut ammassapput – immikkoortortaqrarfiit assigiinngitsut sulerisarnersut ornigullutit paasisaqarfiginerukkit, immikkoortortaqrarfiit soorlu makkua:

- Saaffiginnittarfik
- Isumaginnittoqarfik
- Ingerlatsineq aamma avatangiisit (teknik & drift)
- Suliffissarsiuussisarfik
- Aalisarnermut piniarnermullu immikkoortortaqrarfik

Sullissiviup eqqaani makkua qulequttat takutinneqassapput/oqaluttuarineqassapput – ornigullutit qulequttat ukua paasisaqarfigikkit:

NemID

Illit NemID-it kommunip iluani sumut atorsinnaanerlugu ornigullutit paasisaqarfigiuk – taanna atorlugu nammineq iliuuseqarluni imminut kiffartuunnerit assigiinngitsut suliarineqarsinnaapput.

NemID-ip atorneqarnissaanut ornigullutit ikiortigit aamma Sullissiviup NemID-imik innuttaasunut tunniusinissaanut piumasaqaatit suut piumasaqaatigineqarnersut paasisaqarfigikkit.

Sullissivik marlunnik qarasaasiaateqarpoq, taakkua innuttaasut namminneq atorlugit NemID-ip qanoq atorneqartarnissaanik ikiortikkiartorsinnaapput.

Inuit allattorsimaffiat – nuunnerup nalunaarutiginnissaa sooq taama pingaaruteqartigiva

Nuuttarnermut inatsit malillugu nuunnerup kingorna – ilinnut innuttaasunullu allanut ajornartorsiortitsissanngippat - ullut tallimat iluanni nuunnerup nalunaarutigineqarnissaa sooq taama pingaaruteqartiginersooq paasisaqarfiginerujuk.

Qaasuitsup Kommuniani innuttaasut amerlassusaasa kisitsinngorlugit allattorsimaffii

Qaasuitsup Kommuniani inuit qassit najugaqarnersut – illoqarfinnut aamma nunaqarfinnut agguaqatigiissillutik qassiunersut - ornigullutit takukkit.

Nunaminertalerinermik suliat – sanaartornissamut akuersissutit aamma kommunimut pilersaarut.

Nunaminertalerinermik suliat assigiinngitsut aamma sanaartorsinnaanermut akuersissutit il.il. qanoq qinnutigineqartarnersut ornigullutit ilisimasaqarfiginerulikkit.

Kommunimut pilersaarut sunaana – ornigullutit taanna paasisaqarfiginerujuk.

Suliffissarsiortut amerlassusaasa kisitsinngorlugit allattorsimaffii

Qaasuitsup Kommuniiani suliffissarsiortut ullumikkut qassiunersut aamma ukioq kingullermut sanilliullugu qassinik nikingassuteqarnersut ornigullutit takukkit.

Piniarnermut aamma aalisarnermut immikkoortortaqarfik

Allagartat assigiinngitsut qassiunersut aamma allagartartaarniaraanni qanoq piumasaqaatitaqarnersut ornigullutit paasisaqarfigikkit.

Imaluunniit piniarnermut allagartaq sunaanersoq, sumut atorpeqarsinnaanersoq piniarnermullu allagartamik pissarsinnginnermi sunik piumasaqaatinik malitseqartitsarnersoq ornigullutit paasisaqarfigikkit.

Meeqqat titartaatillugit unammisinneqassapput, titartakkani ajungaasoq pinnatassaqaassaaq.

Titartaalluni unammisitsinermi una qulequtarineqassaaq:

- Kalaallit Nunaanni uumasut

Isumaginnittoqarfik

Isumaginnittoqarfik sunaanersoq aamma sunik suliaqartarnersoq ornigullutit ilisimasaqarfigileruk/ paasisaqarfigiuk.

Ingerlatsineq aamma avatangiisit – ikuallaaviup eqqaaniittoq

Kommunip attaveqaatinut, sanaartornermut avatangiisinullu immikkoortortaqarfiata illutaa piffissami uani tamanut ammassaaq nal. 19:00 – 22:00.

- Atortussaasivik
- Eqqakkanik – tigooqqaavik (innaallagissat atortuinik igitanik)

Kommunip atortussaasivia eqqakkanillu tigooqqaavia ikuallaaviup saniani allaffeqarpoq/ sannaveqarpoq – ikuallaaviup tulliani illu tulleg, (aqquserngup ilaani) ikuallaaviup Stark-illu akornanni tigooqqaaviup isaariaani marlunnik qaammaqqutinik napasussanik ikkussisoqarumaarpoq, taamaalilluni unnuk kulturisiorfimmi soqutiginnittut namminneq sukkuussanerlutik takusinnaaniassammassuk.

Atortussaasivimmi ulluinnarni suliat aamma eqqakkat, allagartarsuit, assit illoqarfiullu assinga pillugu paasissutissat assigiinngitsut takuneqarsinnaassapput.

Inussiarnersumik una malugiuk: unnuk kulturisiorfimmi **ikuallaavik pegataassanngilaq** – ikuallaavik unnummi tassani isumannaallissaanermik peqquteqartumik matoqqasussaavoq, isumannaallisaaneq pillugu malittarisassat malinneqartussaataammata.

Innuttaasut amerlasuut suliffeqarfiutitsinnik alakkaarussuseqassasut neriuutingaarput.

Alakkaasaqattaarluarisi – takunissarsi qilanaaraarput.

Inussiarnersumik inuulluaqqusillunga

Sussi Cortzen
Sullissivimmi pisortaq